



ODLUKA
o sufinansiranju kulturne manifestacije od posebnog interesa za Grad Sarajevo
25. Sarajevske večeri muzike SVEM 2019
(prijedlog)

Predlagač: Gradonačelnik Grada Sarajeva
Obrađivač: Gradska služba za obrazovanje, kulturu,
sport i mlade

Sarajevo, april 2019. g.



Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 10/19), Gradsko vijeće Grada Sarajeva, na sjednici od __.__.2019. g., donosi:

(prijedlog)

O D L U K U
o sufinansiranju kulturne manifestacije od posebnog interesa za Grad Sarajevo
25. Sarajevske večeri muzike SVEM 2019

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 25. Sarajevske večeri muzike SVEM 2019, koja će se održati u periodu od 09.05. - 17.05.2019. godine, uz finansijske obaveze Grada Sarajeva u ukupnom iznosu od 15.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

Član 3.

Sredstva se odobravaju iz Budžeta Grada Sarajeva za 2019. godinu („Službene novine Kantona Sarajevo“, broj 54/18), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

Član 4.

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

Član 5.

Za realizaciju ove Odluke zadužuje se gradonačelnik Grada Sarajeva.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

PREDSJEDAVAJUĆI GRADSKOG VIJEĆA
GRADA SARAJEVA

Dr. Igor Gavrić

Broj:
Sarajevo, __.__. 2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

RAZLOZI DONOŠENJA

Fondacija za muzičke umjetnosti iz Sarajeva uputila je Gradskoj upravi Grada Sarajeva zahtjev za sufinansiranje kulturne manifestacije 25. Sarajevske večeri muzike - SVEM 2019, broj: 09-14-2557/19 od 03.04.2019. godine, a koja se održava u periodu od 09.05. - 17.05.2019. godine. Uz zahtjev za sufinansiranje manifestacije dostavljen je projekat sa budžetom manifestacije, te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sastanku od 09.04.2019. godine, razmotrio prijedlog nadležne Službe, te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na dalju proceduru.

Fondacija za muzičke umjetnosti u okviru 25. Festivala SVEM prepremila je zanimljiv i sadržajan program: U susret SVEM-u u Bošnjačkom institutu, Koncert Sarajevske filharmonije u Narodnom pozorištu, Večer pjesama i arija, Kvartet Tatini, Darko Brlek – klarinet, Jure Cerkovnik – gitara, Slowind – puhački kvartet i Ansambl Corone su koncerti koji će se održati u Crkvi Sv. Jospa kao i nastup Hora i poznatih solista Opere NPS u pratnji Sarajevske filharmonije. U okviru festivala pored niza koncerata vrhunskih stranih i bh. izvođača, Fondacija za muzičke umjetnosti održat će i muzičku radionicu za studente muzike.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2019. godinu.